

Ugovorne strane:

- 1. Ministarstvo unutrašnjih poslova Kantona Sarajevo, ul. La Benevolencija br. 16, kojeg zastupa mr. Ismir Jusko, ministar (u daljem tekstu: Naručilac) i**
- 2. „KM TRADE“ d.o.o. Visoko ul. Čaršijska bb, ID broj: 4218204070008, kojeg zastupa Nihad Mašić, generalni direktor (u daljem tekstu: Dobavljač)**

zaključili su:

U G O V O R
za nabavku terminalnih kamera za mjerenje tjelesne temperature

Član 1.

Predmet ovog Ugovora je nabavka pet termalnih kamera za mjerenje tjelesne temperature, nakon provednog pregovaračkog postupka bez objave obavještenja o nabavci sa jednim ponuđačem na osnovu Posebne odluke broj 01-11-4-2037-3 od 06.04.2020. godine, a u skladu sa Odlukom o izboru ponuđača broj 01-11-4-2037-4 od 13.04.2020. godine i prihvaćenom Ponudom broj 13/04/2020-1 od 13.04.2020. godine, koja je sastavni dio ovog Ugovora.

Član 2.

Ukupna cijena nabavke roba iz člana 1. ovog Ugovora iznosi bez PDV-a 16.500,00 KM, odnosno sa PDV-om 19.305,00 KM (devetnaesthiljadatristotinepet i 00/100 KM).

Naručilac se obavezuje da će izvršiti plaćanje za isporučenu robu na osnovu potpisanog ugovora u roku od 10 (deset) dana od dana dostavljanja ovjerene fakture od strane Naručioaca.

Član 3.

Rok za isporuku robe je 10 (deset) dana od dana potpisivanja ovog Ugovora.

Član 4.

Dobavljač se obavezuje da će isporuku robe iz člana 1. ovog Ugovora, izvršiti stručno i kvalitetno, u svemu prema važećim propisima i standardima za ovu vrstu narudžbe.

Član 5.

Dobavljač se obavezuje da će, prije primopredaje ovlaštenom licu Naručioaca omogućiti pregled isporučene opreme/robe po vrsti, količini i kvalitetu.

U slučaju da isporučena roba nije u skladu sa prihvaćenim uslovima iz ponude, ista će biti reklamirana od strane ovlaštene osobe Naručioaca o čemu će biti sačinjen zapisnik.

Ukoliko Dobavljač u roku koji ne može biti duži od 10 (deset) dana ne otkloni nedostatke koji su evidentirani/reklamirani od strane ovlaštene osobe Naručioaca, Naručiocu pripada pravo definisano Zakonom o obligacionim odnosima.

Član 6.

Garantni rok za kvalitet i funkcionalnost isporučene opreme iz člana 1. ovog Ugovora iznosi 12 mjeseci.

Unutar garantnog roka Dobavljač se obavezuje da će o svom trošku, na zahtjev Naručioca, otkloniti sve nedostatke na isporučenoj opremi, a u skladu sa garantnim uslovima uključujući i servisiranje robe iz člana 1. Ugovora.

Vrijeme između odziva na zahtjev i dolaska na lokaciju u slučaju potreba za intervenciju Dobavljača na lokaciji Naručioca je najviše 72 (sedamdeset dva) sata. Vrijeme između prve intervencije Dobavljača na lokaciji Naručioca i konačnog otklanjanja je najviše 3 (tri) dana. Pod otklanjanjem problema se podrazumijeva i zamjena privremenom opremom istih karakteristika koji se uklapaju u sistem.

U tom intervalu serviser je dužan da dođe na lokaciju gdje je neispravan uređaj, izvrši potrebno servisiranje. Ukoliko ne može da eliminiše kvar serviser Dobavljača je dužan da izvrši transport (unutar objekta i van njega) i uređaj odnese u ovlašteni servis i vrati ga na adresu poslije otklonjene intervencije.

Dobavljač je dužan da Naručiocu ustupi uređaj sličnih karakteristika na korištenje, za vrijeme trajanja servisa, garantnog perioda.

Član 7.

Dobavljač se obavezuje da za svaki dan prekoračenja roka iz člana 3. ovog Ugovora, ako rok nije obostrano produžen, plati Naručiocu na ime ugovorne kazne 0,5% ugovorene cijene, a najviše 5% od ugovorene cijene.

Član 8.

Ukoliko, u naknadno ostavljenom primjerenom roku od strane Naručioca, Dobavljač ne postupi po eventualnim primjedbama na kvalitet i količinu isporučene robe ili u slučaju neprofesionalnog ponašanja, Naručilac ima pravo na raskid ovog Ugovora i pravo za naknadu štete u skladu sa Zakonom o obligacionim odnosima u BiH.

Član 9.

Ovaj Ugovor je sačinjen u 4 (četiri) istovjetnih primjeraka od kojih svaka ugovorna strana zadržava po 2 (dva).

Član 10.

U slučaju spora između ugovornih strana nadležan je Općinski sud u Sarajevu.

Član 11.

Ovaj Ugovor stupa na snagu danom potpisa ugovornih strana.

ZA DOBAVLJAČA
"KM TRADE" d.o.o.
Višoko
generalni direktor, Nihad Maslić

ZA NARUČIOCA
MINISTARSTVO UNUTRAŠNJIH POSLOVA
KANTONA SARAJEVO
ministar, mr. Ismir Jusko

Broj: 411/20
Datum: 23.04.2020

Broj: 01-11-4-2037-5
Datum: 17.04.2020. g.